

ըրեստոնեայ հայը, յատկապէս իր կրօնի պատ-
ճառով:

Եւ՛ պետութիւնը, ե՛ւ կառավարական պաշ-
տօնեաները, ե՛ւ մասնաւոր անհատները, ե՛ւ
մանաւանդ մահմեդական հոգեւորականութիւ-
նը ամէն միջոց գործ էին դնում հային դաւա-
նափոխ դարձնելու: Հալածանքն ու հարստա-
հարուժիւնները ամենասովորական միջոցներն
էին: Բայց պետական միջոցներից ամենազօրա-
ւորը եւ միեւնոյն ժամանակ նաեւ ամէնից ա-
զէտալին հայերի համար, այսպէս կոչուած Ի-
մամ Ձաֆարի օրէնքն էր, որի զօրութեամբ ըն-
տանիքի մահմեդականութիւն ընդունած մէկ
անդամը դառնում էր միակ ժառանգը իր բոլոր
հեռաւոր եւ մօտաւոր ազգականների եւ իւ-
րացնում էր նրանց բոլոր հարստութիւնը, ան-
գամ նրանց զուակներին, ծառաներին եւ ա-
զախիններին: Դեռ աւելին. ո՛չ միայն ազգա-
կանը, այլ բոլորովին օտար մէկ մարդ, մահ-
մեդականութիւն ընդունելով եւ մահմեդական
սուտ վկաների ցուցմունքով, կարող էր տէր
կանդնիլ այս կամ այն քրիստոնեայ ընտանիքի
ամբողջ ունեցուածքին:

«Այս դարչելի օրէնքը — ասում է Սանսօն
— կորցնում է ամէն օր հազարաւոր հոգիներ
եւ ոչ ոք չի կարողանում փրկել նրանց»¹⁾:

Յանդգնութիւնը եւ կրօնական մոլեռան-
դութիւնը հասնում էին այնտեղ, որ մինչեւ
անգամ Ամենայն Հայոց Կաթողիկոսին էլ փոր-
ձում են բռնութեամբ մահմեդականութիւն ըն-
դունել տալ:

Այսպէս, Սահակ կաթողիկոսը Տաճկաս-
տանում մի խնդրով, փոխանակ մեծ վէճերի
միջոցով Սուլթանին դիմելու, դիմել էր անմի-
ջապէս: Մեծ վէճերը այդ բանի համար կատա-
ղած՝ հրամայում է կաթողիկոսին Փալախայ
դնել եւ ծեծել այնքան, որ կամ հարուածների
տակ մեռնի եւ կամ մահմեդականութիւն ըն-
դունի:

Ի հարկէ հրամանն իսկոյն կատարւում է:
Կաթողիկոսին դնում են Փալախայի մէջ եւ եր-
կու կողմերում կանգնած սպասաւորները սկը-
սում են հաստ մահակներով անողորմ ծեծել:

Շարունակ ծեծում են եւ միեւնոյն ժամանակ
ասում. «Թո՛ղ քո հաւատը եւ մեր ճշմարիտ
կրօնին դարձիր, որով եւ կազատուես տան-
ջանքներից»: (Դաւր. Ի. եր. 246):

Հայ երեւելիները վախենալով, թէ մի
գուցէ կաթողիկոսը, չկարողանալով դիմանալ
ցաւերին, յանկարծ կրօնափոխ լինի, որը կը
լինի անպատուութիւն իրենց համար եւ ամօթ
ու նախատինք հայ ազգին, մեծ կաշառք տա-
լով, յաջողեցնում են դժբախտ կաթողիկոսին
մի կերպով ազատել մարդագազաղանների ճիրան-
ներից:

Ահաւասիկ ընդհանուր գծերով այն քա-
ղաքական ու միւս պայմանները, որոնց մէջ
դարերը շարունակ տառապել է հայ ժողովուր-
դը երկու հարեւան մահմեդական պետութիւն-
ների բռնակալ լծի տակ:

5.

Բնական է միանգամայն, որ նման պայ-
մաններում մարդիկ դարձնէին իրենց հայեաց-
քը ամենից առաջ դէպի Հայաստանի անկախու-
թեան դադափարը: Եթէ նրանք այսպէս տան-
ջըլում էին, տանջում էին միայն նրա համար,
որ իրենք օտարի հպատակ էին, օտար լծի
տակ: Ուրեմն, եթէ իրենք կորցրած չլինէին
իրենց անկախութիւնը, եթէ իրենք լինէին ի-
րենց երկրի ու ճակատադրի տէրը, ուրիշ խօս-
քով՝ եթէ լինէին քաղաքականապէս ազատ եւ
անկախ, պարսկի կամ տաճկի լուծը այլեւս չէր
լինի իրենց վզին եւ ուրեմն իրենք այլեւս չէին
տանջուի ու հարստահարուի:

Անգամ Դաւրիժեցու նման «քրիստոնեայ»
վանականը հայ ժողովրդի այդ դժբախտու-
թեան պատճառը համարում է Հայաստանի ան-
կախութեան բարձումը, որը նա թագաւորու-
թիւն է անուանում: «Հայոց ազգը — ասում է
նա — դարձաւ օտար ազգերին եւ թագաւորնե-
րին ծառայ, դերի եւ ոտքի կոխան, որովհետեւ
նա ինքը իր կամքովն ու իր մատներովը կուրա-
ցըրեց իր աչքերը՝ իր նենդութեամբն ու ան-
հնազանդութեամբը ինքն իր թագաւորութիւ-
նը կործանելով» (Գլ. ԺԳ, եր. 147):

Ինչպէս տեսնում էք, Հայաստանի անկա-
խութեան դադափարը կեանքի ծնունդ էր, ծըն-
ուած հայ կեանքի իրական պայմաններից եւ
ոչ թէ օղից բռնուած մի դադափար էր նա,

1) Եղեան, «Պետրոս Մեծի յարաբերու-
թիւնները XII, Դաւր. Ե. 68: